

# ЖЕҢІС КҮНІНЕ АРНАЛДЫ

Жуырда университетіміздің №3 жатақханасында Ұлы Жеңістің 70 жылдығына орай «Механика және мұнайгаз ісі» факультеті «Жоғары математика» кафедрасы I курс студенттерінің ұйымдастыруымен «Ұлы Жеңіс – ұрпаққа аманат» тақырыбында іс-шара өткізілді. Іс-шараның басты мақсаты табандылық пен ерлік, Отанға деген сүйіспеншілік арқылы жеңіске жеткен аталарымыз бен әкелеріміздің батырлықтары мен жанқиярлықтарын, тылдағы Жеңісті жақындатқан жұмысшылардың ерен еңбектерін кейінгі ұрпаққа жеткізу болып табылады.



«Механика және мұнайгаз ісі» факультетінің I курс студенттері 1941 жылы 22 маусымда неміс басқыншыларының соғыс жарияламастан КСРО жеріне опасыздықпен басып кіргенін, бейбіт өмір сүріп жатқан ел азаматтарының белін бекем буып, Отан қорғауға аттануын көркем суреттей алды. Олардың артында жылап-сықтап қалған ана, сүйген жар, қорғансыз балалардың күйін бейнеледі. Атап айтқанда, ММГ-14-3к1 тобының студенті Ергешбаев Төлеген және ММГ-14-3к2 тобының студенті Өскенбай Береке неміс фашистеріне қарсы соғысып жүрген солдаттарды шеберлікпен сомдады. Соғыстағы жауынгер мен анасының сағынышы хат алмасуларында баяндалды. Студенттер 4 жылға созылған сұрапыл соғыс біткендегі сәтті, жауынгерлердің жеңістеріне жүректері жарылардай қуанған көріністерін көрсетті.

Іс-шараға университетіміздің түсірілім тобы келді. Сондай-ақ «Тәрбие бөлімі және жастар саясаты» департаментінің жоғары білікті маманы А.Б.Мұхамедханов, «Дистанциялық және кешкі оқыту» факультетінің әдіскері К.Ж. Ешанкулова, «Механика және мұнайгаз ісі» факультетінің деканы Д.С. Мырзалиев, тарих пәнінің оқытушысы Е. Орынтаева және басқа да профессор-оқытушылар қатысты. Олар студенттердің қойылымдарына оң бағасын беріп, алғыстарын айтты. Жатақхананың акт залы көрермендерге лық толы болды.

Х.А.Аширбаев «Жоғары математика» кафедрасының меңгерушісі

А.И.ДЖУМАГАЛИЕВА, С.Р.ДУЛАТОВ «Жоғары математика»  
кафедрасының аға оқытушылары